



## Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.


Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.



Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact [support@jstor.org](mailto:support@jstor.org).


NARHUAL . *Fig. I.*





SCOLOPENDRA Aquatica Scutata. *Fig. II.*



NARHUAL . *Fig. I.*



DLOPENDRA Aquatica Scutata. *Fig. II.*



very small, about 16 Inches in Length, and the same in Diameter. The Eyes are also small, about the Bigness of a Sixpence. On the upper part of the Head, is a Hole about three Inches in Diameter, out of which probably he spouts Water, like the Whales. On each Side of the Neck are placed two black Finns, one above another, and at a small Distance from one another. They are half an Inch in Thickness, of one Hand's Breadth, and two Feet in Length, round on the Fore-part all fleshy, and of a Liver-colour.

---

IV. Insectum Aquaticum, *antea non descriptum, cujus Iconem & Descriptionem ad Illustr. D<sup>m</sup> Hans Sloane, R. S. Præs. misit Dom. Jacobus Theodor. Klein, Reipubl. Gedan. à Secret. & R. S. Lond. S.*

**I**NSECTUM aquaticum, cujus iconem trado, Uderwangæ in Borussia Orientali inter astacos lacustres repertum, hominibusque astacos venantibus plane ignotum, amicus singularis D. B. tum temporis Uderwangæ commorans, pro museo meo conservatum, redux mihi tradidit.

Ob magnum numerum pedum, & mira facilitate mobilium, *Scolopendram Aquaticam Scutatam* pari, si non meliori, jure, quo Aldrovandus piscem quendam cetaceum, *Scolopendram Cetaceam* (de Cætis pag. 721.) insignivit, appellare liceat.

*Vide*

*Vide* T A B. I. F I G. II. A.

Exhibet Insectum, a parte superiori, Scuto tectum, hoc ad formam Testudinum accedit, nisi, quod in medio dorso longitudinaliter nonnihil gibbosum, & versus extremitatem Corporis sectura triangulari, leviter denticulata, hiatum patiatur; integrum est, & ejusdem fere Substantiæ, dilutioris tamen coloris, ac sunt vaginæ alarum Scarabæi Gœdarti, a frumenti verme oriundi, vel illius, qui nobis audit Scarabæus rosarum. Oculi per Scutum transeunt, nonnihil eminentes.

## F I G. II. B.

Insectum a parte inversa delineatum; ubi simul apparet ingens Copia crurum: Horum quodlibet sub tibiis, si his locum assignare licet, sacculo quodam (vid. Fig. D.) donatum, in pedes, vel, si mavis, digitos ternos exiens. Anteriora duo hoc singulare habent, quod ipsis pedes vel digiti terni sint longiores præ reliquis, etsi inter seipsos mensura differant. Omnes digiti majorum minorumque pedum ex similibus articulationibus constant, qualibus gaudent setæ caudæ hujus Scolopendræ bifidæ, vel aliorum insectorum antennæ. Non longe aberrabo existimaturus, insectum hoc anteriorum amborum pedum digitis longioribus ante, setis vero caudæ suæ bifidæ pone, pro antennis uti, quibus mediantibus persequentes vestigia sua, vel in cryptis offendentes hostes suos tempestive explorat; nisi duo illa cornicula curta, quæ in figura ad illum locum, ubi jure merito caput quæritur, extant, pro antennis habere velis.

## FIG. II. C.

Corpus, sub Scuto, nudum & detectum, a dorso inspicendum, cujus gratia Scutum longitudinaliter & circumspēcte divisum, utpote, quod, quoad partem explicatam, dorso continuum non est. In inferioris partis Scuti cuticulâ tenui, & quidem ad ambo latera, aperturæ velut acu pictæ (vid. Fig.) observantur. An per has aperturas aquam in Cavitatem, quæ est Scutum non-nihil gibbum inter & cuticulam, attrahat, & rursus emittat, vel cuticulam aere repleat, & vacuatam habeat, pro ratione, qua vel fundum petere, vel ex aquis surgere vult, certo affirmare non possum. Insectiones circiter triginta, crura vero difficulter numerare licet, quoniam unicum hoc Exemplum libentius conservare, quam destruere volui. In extrema corporis parte, quæ Scutum separat, annuli insectionum spinulis, & quidem eodem ordine, obsiti sunt, quo delineati apparent (vid. Fig. A & C).

## FIG. II. D.

Crurum alterum cum sacculo, ex illis, quæ anterioribus sunt proximiora; simile crus alio in Situ explicatum, vid. Fig. B.

Quamdiu hoc insectum vitam egit, tamdiu pedes continuo & singulari facilitate movit, extremam corporis partem simul quasi in vaginam contrahens, rursusque promittens.

Nullum apud authores hujusmodi insecti vestigium reperire potui. Hinc est, quod & figuram & aliqualem descriptionem cum curiosis communicare voluerim, nescius an mihi vel aliis alterum exemplum aliquando obvium se dabit. Tantum.